

傷寒總病論卷第六

傷寒雜方

妊娠雜方

傷寒暑病通用刺法

傷寒死生候

熱病死生候

溫病死生候

天行差後禁忌

解仲景脉說

解華佗內外實說

辨論

與有位辨傷寒論書

惣論音訓

脩治藥法

傷寒雜方

傷寒總病論卷第六

傷寒雜方

妊娠雜方

傷寒暑病

通用刺法

傷寒死生候

熱病死生候

溫病死生候

天行差後禁忌

解仲景脉說

解華佗內外實說

辨論

與有位辨傷寒論書

惣論音訓

脩治藥法

傷寒雜方



冬夏傷寒發汗極効時雨散

冬春及夏初行之大驗

蒼朮肆兩甘草

麻黃各貳兩

猪牙皂角

肆挺

爲末每服二錢水一盞煎三兩沸和滓溫服蓋覆取汗出立効但是時行寒疫皆宜服此可多合以

拯貧民

傷寒頭痛玄精石方

石膏

太陰玄精石

各壹兩

麻黃貳兩

甘草半兩

麤末每服四錢水一盞竹葉二十七片煎七分去滓

溫飲不計時候

傷寒頭痛不止瓜蒂牙硝散



藜蘆壹錢 瓜蒂叁錢 牙硝貳錢 腦麝各少許
細末吹少許入鼻得嚏則愈

時氣八九日喘悶煩躁麻黃杏子湯

桔梗 麥門冬各壹兩 麻黃壹兩半 杏仁

黃芩 甘草各叁分

麤末每五錢水一盞半煎八分溫溫日可四五服
時氣腦熱頭疼不止朴消散

川朴消研生油調塗頂上

時氣豌豆瘡出不快心神煩悶犀角五香湯

犀角屑 丁香 乳香 木香各半兩 玄叁

升麻各壹兩

麝射香壹分

麝末每五錢水一盞竹瀝半盞煎八分溫溫日三四服

妊娠雜方

妊娠時氣令子不落伏龍肝散

伏龍肝爲末水調塗臍下乾時易之疾差乃止

妊娠傷寒內熱極甚令不傷胎含鷄子法

取鷄子以絹袋貯投井底浸令極冷旋破吞六七枚佳

妊娠傷寒腹脹大便不通喘急牽牛散

大黃 鬱金 青橘皮各壹兩 甘草 參分

牽牛子取末貳兩



細末不計時薑湯調下二錢以利爲度

妊娠傷寒服汗下諸藥熱已退覺氣虛不和宜與此藥安胎黃耆人參湯

黃耆 人參 半夏 陳橘皮 麥門冬

當歸 赤茯苓 各半兩

麋末每服四錢水二盞薑三片煎七分去滓下阿膠末一小匕烱化溫與之日可三四服

大熱甚胎不安者不宜前藥宜用阿膠散

阿膠末一錢半竹瀝調下無竹瀝用小麥竹葉煎

湯調下

妊娠傷寒四五日已上心腹脹渴不止腰痛重橘皮
枳實湯

枳實 麥門冬各參分陳橘皮壹兩

麋末每服五錢水一盞半生薑四片煎八分去滓溫服
妊娠熱病胎死腹中鹿角屑湯

鹿角屑一兩

水一椀葱白五莖豉半合煎陸分去滓溫作二服

又方益母草飲子

益母草絞汁飲半升即出

治傷寒小產惡露不行腹脹煩悶欲死大黃桃人湯

朴消

大黃

二味等分末之每一錢或二錢桃人去皮尖
碎之濃煎湯調下以通為度日三服

小產後其惡露被熱烝斷不行地黃飲子

地黃汁

藕汁各壹碗

生薑汁一盞

令和煖溫分三四服微有寒煎二十沸服之亦下死胎
傷寒產後血運欲絕紅花散

紅花

荷葉

薑黃等分

末之炒生薑小便調下二錢

凡傷寒小產夏月宜少用醋炭多有煩悶運死者

傷寒產後惡血衝心悶亂口乾生薑小便飲子

生地黃汁 藕汁 小便各一盞

和勻煎三兩沸溫熱分作三服

傷寒產後惡露路為熱搏不下煩悶脹喘狂言者桂

朮湯及桃人承氣湯主之

二方在下門中

傷寒小產後煩悶大躁渴石膏

黃連 黃芩 甘草 栝樓根各壹兩 石膏壹兩半

麝末每服四錢水一盞半煎八分溫服一盞

傷寒暑病通用刺法

龐曰凡過經不解譫語者當刺期門隨其實而瀉之

刺期門之法須待脉弦或浮緊刺之必愈餘刺之不
差以正取肝之邪故也期門穴直乳下當腹傍近脇
骨是穴針入一寸

傷寒發熱晡晡惡寒其人大渴飲水者其腹必滿小
便不利而自汗出其病欲解此爲肝乘脾名曰縱當

刺期門

腹滿誠語寸口脉浮而緊此爲肝乘脾名曰橫當刺

期門

下血而譫語此爲熱入血室但額上汗出者當刺期
門隨其實而瀉之澱然汗出者愈

婦人中風發熱惡寒其經水適來得七八日熱除脉遲身涼胃脇下滿如結胃狀而譫語此爲熱入血室當刺期門隨其實者而取之

太陽與少陽併病頭痛或眩時如結胃心下必堅當刺瀉肺膈大杼慎不可發汗發汗則譫語譫語則脉弦五日譫語不止當刺期門

傷寒喉痺刺手少陰腕骨小指後動脉是也刺入三

分補之

佳通里二穴去腕後一寸是手少陰之經主熱病喉痺減入三分可灸三壯

傷寒妊娠腹滿不得小便腰以下腫如水氣狀懷孕七月太陰當養此心氣實當刺瀉勞宮及關元小便

利即愈

勞宮手掌中央屈名指取之關元在臍下三寸

傷寒飲水過多腹脹氣喘刺中脘

鳩尾下三寸

傷寒汗不出脊強喉閉煩滿針大杼

大杼穴在第二椎下兩傍相去各一寸五分

分針入一寸瀉之

傷寒餘熱不盡皮膚乾燥針曲池

在曲肘橫紋頭針可透下瀉之

熱病汗出脉反順可汗者取之魚際太淵太都太白

瀉之則熱去補之則汗出太甚者取踝上橫紋以止之

魚際在大指本節後內側散脉中太淵在掌後陷中太都在足大指本節後陷中太白在足內側核骨下陷中踝上橫紋不說穴名當是足內踝上二寸名曰腹溜主骨寒熱汗注不休故也

熱病七八日脉口動喘而眩者急刺之汗且自出淺



南京中医药大学图书馆版权所有

刺手大指間

合谷穴是也

熱病先胃脇痛手足躁刺足少陽補足太陰

據傷寒

賊證是足少陽木受邪當傳冠脾土故宜瀉足少陽之丘墟而補足太陰之太白素問云補足太陰者是也其全元起太素作手太陰而以肺經從肺出腋下故胃脇滿痛又有引虛則索筋於肝不得索之於金而以手太陰為是既言不得索之於金矣而復求金乎是必索於金則木反受尅矣故當補脾土無疑

熱病先手臂痛刺手陽明太陰汗出止

太陰絡列缺穴在腕上二寸半刺七

分陽明商湯穴在手大指次指端去甲如薤葉刺三分

熱病始於頭首者刺項太陽而汗出止

天柱穴在項后髮際大筋外廉陷中可刺五分瀉之

熱病先眩冒而熱胃脇滿刺足少陰少陽

足少陰涌泉穴在兩脚心陷屈

足口指宛宛中刺入七分瀉之無令血出足少陽俠谿穴在小指歧骨間本節前陷中

熱病始足脛痛者先取足陽明而汗出

陷谷穴在足大指次指之聞本

節後陷中針入五分瀉之

熱病三日汗不出怵惕胃脇痛不可轉側大小便血

及衄不止氣逆嘔噦煩渴食飲不下針勞宮

在手掌中針入五分瀉之

傷寒死生候

傷寒下利厥逆煩躁不得卧者死

傷寒厥逆六七日發熱而利者生汗出利不止者死

但有陰無陽故也

傷寒欬逆上氣其脉散者死謂形損故也

夫病者實則讖語虛則鄭聲

重語是也

直視讖語喘滿

者死下利者亦死

傷寒脉陰陽俱緊口中氣出唇口乾燥勑卧足冷身中涕出舌上胎滑勿妄治也

傷寒脉浮而洪身汗如油喘而不休水漿不下形體不仁乍靜乍亂此爲命絕也又未知何藏先受其災若汗出發潤喘而不休此爲肺先絕也陽反獨留形體如煙熏直視搖頭此爲心先絕也唇吻反青四肢厥逆者此爲肝先絕也環口利黑柔汗發黃此爲脾先絕也溲便遺失狂言目反直視者此爲腎先絕也

傷寒脉順四時夜半得病日中解日中得病夜半解
更不傳也

熱病死生候

熱病陰陽交者熱煩身燥太陰寸口脉兩衝尚躁盛
是陰陽交死得脉靜者生

熱病得汗身冷脉欲絕其人已安靜但昏沉喜睡急
與四逆輩令手足溫不尔熟寐而卒

熱病陽進陰退頭獨汗出死陰進陽退腰以下至足
有汗出亦死陰陽俱進汗出已熱如故亦死陰陽俱
退汗出已寒慄不止口鼻氣冷亦死

熱病所謂併陰者熱病已得汗因得泄是謂併陰故
治熱病所謂併陽者熱病已得汗脉尚躁盛大熱
出雖不汗身和而衄是謂併陽故治

熱病不知痛所在不能自收口乾渴熱甚陰頭有寒
者熱在骨髓死不治

病若讖語妄言身當有熱而反四逆脉沉細者死

熱病在腎令人渴口乾舌焦黃赤晝夜引飲不止腹
大而脹尚不厭飲目無精光死不治

熱病所謂陽附陰者腰以下至足熱腰以上寒陰氣
下爭而還心腹滿者死